



Cymdeithas Tai Canolbarth Cymru - Polisi

Teitl: POLISI ADLEOLI

1.0 Amcanion y Polisi

- 1.1 Prif bwrpas y polisi hwn yw sicrhau bod y gweithdrefnau'n rhedeg yn llyfn wrth gynnig llety arall dros dro i denantiaid y Gymdeithas ('decant'). Mae'r achosion lle gallai fod angen llety arall dros dro ar gyfer tenantiaid y Gymdeithas fel sy'n dilyn:
- ◆ Lle mae angen i'r Gymdeithas wneud gwaith sylweddol i unrhyw stoc oherwydd tân, llifogydd neu drychineb arall a ddigwyddodd yn un o'i hanheddau.
 - ◆ Lle gofynnwyd i'r Gymdeithas neu sefydliad arall i wneud gwaith addasu i un o'i anheddau.
 - ◆ Lle mae'r Gymdeithas yn adnewyddu neu ailddatblygu un neu fwy o'i hanheddau.
- 1.2 Lle bynnag sy'n bosibl, bydd y Gymdeithas yn ymdrechu i wneud gwaith heb orfod adleoli tenantiaid. Fodd bynnag, fel y dywedir yn 2.1 (i), nid yw hyn yn bosibl bob amser.
- 1.3 Lleihau colli rhent ar anheddau a ddefnyddir ar gyfer adleoli tenantiaid.
- 1.4 Galluogi staff i fod yn glir am eu cyfrifoldebau yn adleoli tenantiaid.
- 1.5 Sicrhau na chaiff gwaith ei oedi lle mae angen ad-leoli.
- 1.6 Sicrhau na achosir dim mwy nag sy'n hanfodol o ymyriad i denantiaid.

2.0 Polisi

- 2.1 Bydd angen gwneud gwaith sylweddol i anheddau'r Gymdeithas o bryd i'w gilydd. Bydd angen i'r Gymdeithas hysbysu tenantiaid sut y bydd gwaith sylweddol i'w cartref yn effeithio arnynt. Mae'r Gymdeithas yn gwerthfawrogi y gall achosi llawer o ymyriad pan fo tenantiaid yn gorfod symud o'u cartrefi i alluogi gwaith i gael ei wneud. Bydd y Gymdeithas yn sicrhau fod gwybodaeth addas, cyngor a chymorth ar gael cyn i'r gwaith ddechrau, yn ystod y gwaith ac ar ôl iddo gael ei gwblhau.

Gyda hyn dan sylw bydd y Gymdeithas yn:

- (i) Esbonio i'r holl denantiaid yr effeithiwyd arnynt pam fod yn rhaid iddynt symud o'u cartref - er enghraifft, gan fod gwaith sylweddol i gael ei wneud, mae'r Gymdeithas yn teimlo y byddai er budd iechyd a diogelwch eu bod yn symud o'u cartref dros dro tra bod y gwaith yn mynd rhagddo.
- (ii) Rhoi cymaint o rybudd ag sydd modd pryd y bydd y gwaith yn dechrau, pa mor hir y bydd yn ei gymryd a phryd y gall y tenant symud yn ôl i'w cartref.
- (iii) Hysbysu tenantiaid i ble y byddant yn symud dros dro a phryd y disgwylir iddynt symud i'w cyfeiriad dros dro.

***DS** - wrth edrych am lety dros dro, rhoddir ystyriaeth i ofynion y tenant - e.e. maint addas llety dros dro ac ati.*

- 2.2 Bydd y Gymdeithas yn talu am symud yr holl eiddo o gartref parhaol y tenant i'w cartref dros dro ac yn ôl wedyn. Bydd y Gymdeithas hefyd yn talu am gostau rhesymol eraill a amlinellir ymhellach islaw.
- 2.3 Bydd gan yr holl denant yr effeithir arnynt enwau dau aelod o staff y Gymdeithas i gysylltu â hwy rhag ofn fod ganddynt unrhyw gwestiynau neu bryderon.
- 2.4 Bydd y Gymdeithas yn sicrhau fod gan denantiaid enw dau aelod o staff y Gymdeithas i gysylltu â hwy rhag ofn fod ganddynt unrhyw gwestiynau neu bryderon.

3.0 Yr hyn y bydd y Gymdeithas yn talu amdano

- 3.1 Bydd y Gymdeithas yn talu am yr holl dreuliau rhesymol ac amlinellir y rhain yn 3.2.
- 3.2 Bydd y Gymdeithas yn talu am y dilynol:
 - (i) Costau symud celfi.
 - (ii) Datgysylltu ac ailgysylltu ffwrn, peiriant golchi dillad a pheiriant golchi llestri (lle'n bosibl, gwneir y gwaith hwn gan un o gontractwyr y Gymdeithas).
 - (iii) Datgysylltu ac ailgysylltu ffôn a/neu linell dros dro yn y cyfeiriad dros dro.
 - (iv) Gosod dysgl loeren yn y cyfeiriad dros dro (lle mae gan y tenant un yn eu cartref parhaol) ac ailosod pan fyddant yn dychwelyd i'w cartref parhaol.
 - (v) Ailgyfeirio post.

- (vi) Cyflenwi traciau llenni yn y cyfeiriad dros dro, a lle nad yw llenni'r tenant yn ffitio, llenni. Bydd y traciau llenni a'r llenni'n parhau yn eiddo i'r Gymdeithas.
- (vii) Carpedi - lle gellir gwneud i garpedi'r tenant ffitio'r llety dros dro, yna gwneir hyn. Fodd bynnag, os nad yw'r carpedi yn ffitio bydd y Gymdeithas yn cyflenwi ac yn gosod gorchudd llawr addas yn y cyfeiriad dros dro (bydd unrhyw orchudd llawr a brynir ac a gaiff ei ffitio i'r cyfeiriad dros dro gan y Gymdeithas yn parhau'n eiddo i'r Gymdeithas).
- (viii) Os yr achosir difrod i addurniad cartref parhaol y tenant, bydd y Gymdeithas un ai'n rhoi lwfans addurno neu'n ailaddurno ar ddisgresiwn y Cydlynnydd Rheoli Asedau.

3.3 Bydd y Gymdeithas yn gwneud un taliad i denantiaid sy'n gorfod symud o'u cartef oherwydd gwaith sylweddol i dalu am gostau teithio ychwanegol i'r gwaith/ysgol ac ati.

3.4 Caiff unrhyw daliadau am gostau a achosir i'r tenant eu talu'n brydlon i sicrhau nad yw'r tenant ar eu colled.

4.0 Talu Rhent a Thâl Gwasanaeth yn ystod y Cyfnod Adleoli

4.1 a) Os yw tenant yn symud dros dro i annedd gyda rhent is, yna bydd y tenant yn talu rhent ar y rhent rhatach ar gyfer y cartref dros dro;

b) Os yw tenant yn symud dros dro i annedd gyda rhent uwch, yna bydd y tenant yn parhau i dalu'r rhent ar y rhent ar gyfer eu cartref parhaol.

c) Os yw'r tenant yn gofyn am annedd dros dro mwy gyda rhent uwch, yna bydd y tenant yn talu'r rhent uwch ar gyfer yr annedd dros dro.

5.0 Cyfrifoldebau Tenantiaid

5.1 Caiff tenantiaid sy'n symud i lety dros dro tra gwneir gwaith yn eu cartref parhaol eu rhwymo gan delerau ac amodau eu Cytundeb Tenantiaeth **gwreiddiol - ni roddir Cytundeb Tenantiaeth newydd ar gyfer eu cyfeiriad dros dro.**

5.2 Bydd y tenant yn uniongyrchol gyfrifol i'r cyflenwr am dalu am y gwasanaethau perthnasol a ddefnyddir yn y cyfeiriad dros dro - trydan, nwy, trethi/taliadau dŵr, biliau ffôn ac ati.

5.3 Mae'n rhaid i'r tenant sicrhau pan fyddant yn dychwelyd i'w cartref parhaol, y caiff yr annedd dros dro ei gadael mewn cyflwr boddhaol. Bydd Adran Rheoli Asedau'r Gymdeithas yn cynnal archwiliad ail-osod 'arferol' o'r annedd dros

dro ac mae'n cadw'r hawl i ailgodi am gost unrhyw waith atgyweirio neu ailaddurno sydd ei angen, yn unol gyda'i weithdrefn arferol.

- 5.4 Os bydd y Gymdeithas yn gorfod sicrhau cymorth yr Awdurdod Lleol neu Landlord Cymdeithasol Cofrestredig arall i ganfod annedd dros dro, yna bydd y Gymdeithas yn gyfrifol am dalu'r rhent ar yr annedd dros dro tra'n parhau i godi rhent ar eu cartref parhaol ar y tenant. Yn yr achos hwn bydd y tenant yn gyfrifol am gyflwyno allwedd i'r llety dros dro i'r Gymdeithas.

6.0 Gwrthod Mynediad ar gyfer Gwaith Sylweddol

- 6.1 Os yw tenant yn gwrthod rhoi mynediad i'r Gymdeithas neu'n gwrthod symud o'u cartref pan wneir gwaith sylweddol, gwahoddir y tenant dan sylw i drafod eu rhesymau.
- 6.2 Os ydynt yn dal i wrthod mynediad i'r Gymdeithas, ac y cymerwyd pob cam rhesymol i ddatrys y mater, yna gweithredir dan delerau'r Cytundeb Tenantiaeth a all arwain at i'r Gymdeithas gael Gorchymyn Llys er mwyn cael mynediad i wneud y gwaith.
- 6.3 Bydd y Gymdeithas yn ymchwilio dau opsiwn:
- (i) Gofyn i'r Llys am waharddeb yn rhoi hawl mynediad,
 - (ii) Ceisio gorchymyn am feddiant dan Ddeddf Tai 1985 neu 1988 **DS** - dim ond lle mae'r gwaith yn ymwneud â mater iechyd a diogelwch pe na bai'r gwaith yn cael ei gwneud y cymerid y cam hwn - e.e. ailweirio oherwydd nad yw safonau presennol yn cyflawni rheoliadau.

7.0 Symud Parhaol yn dilyn Adleoli

- 7.1 Unwaith mae tenant yn symud i'w cyfeiriad dros dro, efallai y byddant yn datgan dymuniad i aros yn eu cyfeiriad dros dro pan ofynnir iddynt symud i'w cartref parhaol. Caiff cais o'r fath ei ystyried ar sail unigol.

8.0 Adolygu

Caiff y polisi ei adolygu yn unol gydag amserlen Adolygu Polisi'r Gymdeithas.

9.0 Hyfforddiant

Disgwylir i'r holl staff fod yn hollol gyfarwydd gyda'r polisi yma.

Diben:	Sicrhau, os yw'r Gymdeithas yn ei gwneud yn ofynnol i denant symud o'u cartref i alluogi gwaith i gael ei wneud, bod y proses yn rhedeg yn llyfn.	
Cyfeirnod:		
Dyddiad Cyhoeddi:	1 Rhagfyr 2009.	
Dyddiad Adolygu:	Fel yn yr Amserlen Adolygu Polisiâu.	
Adrannau/Unedau yr Effeithir Arnynt:	Gwasanaethau Tai, Rheoli Asedau.	
Cymeradwywyd gan:	Bwrdd Rheoli	
Swyddog Arweiniol:	Rheolydd Gwasanaethau Tai	
Cydymffurfiaeth Statudol	Dim	
Ffactorau Risg Strategol		
Archwiliad ar Effaith Cydraddoldeb	<i>Sut mae/fydd y polisi hwn yn sicrhau y caiff anghenion eu cyflawni'n deg, yn neilltuol yng nghyswllt hil, rhywedd, anabledd ac ati?</i>	D/B
	<i>A deimlir y medrai'r Polisi hwn fod ag effaith niweidiol ar wahanol grwpiau? Os felly beth yw'r cyfiawnhad ar gyfer hyn, ac a gaiff hynny ei ganiatáu'n gyfreithiol?</i>	Ni ddisgwylir yr amharir ar unrhyw grwpiau neu unigolion.
	<i>A ofynnwyd i unrhyw grwpiau cynrychioladol yn yr ardal am eu barn ac os felly beth oedd y canlyniad?</i>	Na
Cyswllt Tenantiaid	<i>Sut mae/sut fydd y polisi hwn yn sicrhau y caiff anghenion tenantiaid eu diwallu?</i>	Amcan y polisi yw sicrhau fod atgyweiriadau i anheddau'r Gymdeithas yn rhedeg y llyfn pe bai angen symud tenantiaid o'u cartref parhaol dros dro tra gwneir gwaith.

	<i>Sut y teimlir y bydd y Polisi yn effeithio ar hawliau a goblygiadau tenantiaid?</i>	Ni fydd y Polisi hwn yn effeithio ar hawliau a goblygiadau tenantiaid.
	<i>A ymgynghorwyd â thenantiaid ac a roddwyd ystyriaeth i ganlyniadau'r ymgynghoriad hwnnw wrth ystyried cyflwyno'r Polisi yma?</i>	Do - ymgynghorwyd â'r Fforwm Tenantiaid a Phreswylwyr a chafodd y sylwadau eu cynnwys yn y ddogfen Bolisi.